

"Pinnguaatit aningaasanoorutit" pillugit NamminersorneruUutik Oqartussat nalunaarutaat nr. 31, 17. december 1996-imeersoq

Aningaasanik ikisilluni pinnguaatinut akileraarut pillugu Inatsisartut inatsisaanni nr. 3-mi 17. maj 1990-imeersumi, kingullermik Inatsisartut inatsisaatigut nr. 15-ikkut 3. november 1994-imeersukkut allangortinneqartumi, § 14, imm. 1 aamma § 15, imm. 2 naapertorlugit aalaja-ngersarneqarput:

Kapitali 1

Aggortitsineq

§ 1. Aningaasaasanik aamma/imaluunniit pointinik "pinnguaatit aningaasanoorutinit" eqquinikkut pissarsianik aggortitsisoqarsinnaavoq taarsiinermi ataatsimi 1.500 kr.-t angullugit.

Imm. 2. Imm. 1 malillugu aningaasaasanik aamma/imaluunniit pointinik "pinnguaatit aningaasanoorutinit" eqquinikkut pissarsiat suliffeqarfimmi eqquiffiusumi nioqqutissanngorlugit pineqarsinnaapputaaq.

§ 2. Aningaasaasat aamma/imaluunniit pointinik "pinnguaatit aningaasanoorutinit" eqquinikkut pissarsianik aggortitsisussaq tassaavoq aningaasanik ikisilluni pinnguaammik ikkussinissamut akuersissummik piginnittoq, eqquiniaasitsinermi akileraarutit pillugit Inatsisartut inatsisaat naapertorlugu tassaasoq eqquiniaasitsisoq.

Imm. 2. Aningaasaasanik il.il. aggortitsineq "eqquiniarnernut", "pinnguarnernut" il.il. naligitinneqassaaq.

Imm. 3. Aggortitsinermi tamani aningaasaasat aggortitat nalingat "eqqukkanut", "eqqukkamut", "eqqukkallu nalinganut" il.il. naligitinneqassaaq.

Imm. 4. Aningaasaasanik il.il. aggortitsinermik nalunaarutiginninnermi "pinnguaatit aningaasanoortinit" eqquinikkut pissarsianik aggortitsineq pillugu allaffissiaq Akileraartarnermi Pisortaqarfimmit suliarineqarsimasoq nassiunneqassaaq.

Kapitali 2

Qassinik ukioqarnissamik piumasarisaq

§ 3. Aningaasanik ikisilluni pinnguaammik ikkussinissamut akuersissummik piginnittoq "pinnguaatit aningaasanoorutit" ikkussorneqarsimasut qanittunnguani isersimasut takulertorsinnaasaanni allagartaliissaaq, tassuuna takuneqarsinnaanngorlugu "pinnguaatit aningaasanoorutit" 18-inik ukioqalersimannngitsunut atoqusaannginnerat.

Imm. 2. Aningaasanik ikisilluni pinnguaammik ikkussinissamut akuersissummik piginnittoq pisussaavoq inimi "pinnguaatit aningaasanoorutit" ikkussorneqarsimasut 18-inik ukioqalersimannngitsunit atorneqannginnissaanut qulakkeerinissamut.

Kapitali 3

Allagartanik uppersaatissaqarmssamut pinnguarnerrullu qanoq aaqqissuussaaniisaanut piumasarisat

§ 4. Aningaasanik ikisilluni pinnguaammik ikkussinissamut akuersissummik piginnittup kingusinnerpaamik "pinnguaatip aningaasanoorutip" ullormi ikkunneqarfisaani "pinnguaat aningaasanoorummik" inissiinini uppersaatissaqartissinnaassavaa Dansk Teknologisk Institutimit, Force Institutinit imaluunniit laboratoriamit akuerisaasumit allamit nalunaarummik.

Imm. 2. Nalunaarutip imm. 1-imi taaneqartup uppersassavaa "pinnguaatip aningaasanoorutip" piumasarisanik makkuninnga naammassinnissimaneera:

- 1) aningaasap ikisap periarnermi ataatsimi 1 kr. sinnersimassanngikkaa.
- 2) aningaasap ikisap aningaasanik pissarsissutaasinnaannginnissaa.
- 3) pinnguaat innaallagialaq atorlugu aqutaappat aningaasaasanik pissarsisitsissutaasinnaannginnissaa.
- 4) periarnermi ataatsimi eqqukkat 750 koruuninit amerlanerusinnaannginnissaat.
- 5) eqqukkat eqqugassat "pinnguaat aningaasanoorummi" allattorsimaffianniittunut naapertuuttuunissaat.
- 6) ilisarnaqutserneqarsimassasoq laboratoriamit akuerisamik, aserorneqartinnagu peerneqarsinnaanngitsumik, tassani allassimassallutik "pinnguaatip aningaasanoorutip" aqqa normualu kiisalu qaammat ukiorlu misilinneqarfia, aamma
- 7) indekshjuli imaluunniit atortut (komponentit) innaallagialaq atorlugu programminik aqutsisut laboratoriamit akuerisamit aqerlumik naqissuserneqarsimassasut qaammat ukiorlu misilinneqarfia nalunaarlugit.

Imm. 3. Imm. 2-mi, nr. 7-imi taaneqartutut komponentinik innaallagissamik atuisunik ikkussinermi aningaasanik ikisilluni pinnguaammik inissiinissamut akuersissummik piginnittup imm. 1-mi taaneqartutut uppersaatissaqartissinnaassavaa "pinnguaat aningaasanoorummi" inissinneqartumi komponentinik innaallagissamik atuisumik ikkussinemp immi sunniuteqannginnissaa piumasarisanik imm. 2-mi nr. 1-imit 4-mut taaneqartunik sumiginnaanissamut.

Imm. 4. Topspilinik imaluunniit fjernbetjeninginik ikkussinerni imm. 3-mi taaneqartut assigalugit komponentinik innaallagialaq atorlugu programminik aqutsisunik qarasaasiamullu programminik tamatumuunakkut ikkunneqartunik uppersaasiisoqarsinnaasariaqarpoq.

Imm. 5. Uppersaatit imm. 1-imi, 3-mi 4-milu taaneqartut aningaasanik ikisilluni pinnguaammik ikkussinissamut akuersissummik piginnittup paarissavai misissuisussaataasumilli takorusunneqarpatatakuteriaanaasariaqassallugit.

Imm. 6. Imm. 3-mi taaneqartunik komponentinik innaallagissamik atuisumik, "pinnguaatip aningaasanoorutinik" iluarsartuusinerit assigisaalluunniit saniatigut atortualunnik allanik ikkussinermi imm. 1 aamma 3 naapertorlugit uppersaaseqqiisoqassanngilaq.

Imm. 7. Nalunaarutinik imm. 1-imi, 3-mi 4-milu taaneqartunik pissarsiniarnermut takutitsinissamullu aningaasartuutit aningaasanik ikisilluni pinnguaammik ikkussinissamut akuersissummik piginnittup akilissavai.

§ 5. Aningaasanik ikisilluni pinnguaammik ikkussinissamut akuersissummik piginnittup "pinnguaatip aningaasanoorutip" ikkussorsimasani taakkunungalu topspilit fjernbetjeningillu

ikkunneqarsimasinnaasut ilanngullugit § 4-mi, imm. 2-mi, nr. 1-imit 6-imut piumasarisanik sukkulluunniit naammassinninnissaat akisussaaffigissavai.

Kapitali 4

Naatsorsuutit, paasisitsisussaassuseq nakkutilliinerlu

§ 6. Inini "pinnguaatit aningaasanoorutit" inissinneqarfigisaanni tamani aningaasanik ikisilluni pinnguaammik ikkussinissamut akuersissummik pigisaqartoq pisussaavoq "pinnguaatit aningaasanoorutit" atorlugit tunisat (aningaasat kaaviiartitat) Akileraartarnermi Pisorta qarfiup maleruagassiai malillugit naatsorsuusiornissamut.

Imm. 2. Aningaasanik "pinnguaatit aningaasanoorutinut" ikisanik imaarsinerit tamaasa imaluunniit pinnguarnermut aningaasanik akiliutigineqartunik utertitsinerit tunisat allanneqartassapput naatsorsuutinut imm. 1-imi taaneqartunut.

Imm. 3. Kvartalit 1. januar, 1. april, 1. juli aamma 1. oktober aallartittut naaneri tamaasa naatsorsuutinut imm. 1-imi taaneqartunut allatorneqartut Akileraartarnermi pisorta qarfirmut nassiunneqassapput. Naatsorsuutit Akileraartarnermi Pisorta qarfirmi tiguneqareersimasassapput kingusinnerpaamik kvartalip naareernerani qaammatip tulluuttup naanerani.

§ 7. Akileraartarnermi Pisorta qarfik sukkulluunniit misissuiartorsinnaavoq.

Imm. 2. Aningaasanik ikisilluni pinnguaatinik ikkussinissamut akuersissummik pigisaqartut pisussaapput Akileraartarnermi Pisorta qarfirmesut misissuineranni ikiussallugit.

Imm. 3. Akileraartarnermi Pisorta qarfirmesut misissuiartorlutik isersimanerminni akornusersorneqarnatik aningaasanik ikisilluni pinnguaatinik inimiittunik tamanik misissuisinnaatitaassapput.

Imm. 4. Akileraartarnermi Pisorta qarfirmi pisortat allat oqartussaasut imaluunniit allat piginnaatissinnaavai, Akileraartarnermi Pisorta qarfirmik suleqateqarnikkut ilitersorneqarnikkullu, misissuinerit imm. 2-mi 3-milu taaneqartut ingerlanneqarnissaanut.

Kapitali 5

Pineqaatissiinerit atulersiisnermillu aalajangersakkat

§ 8. Nalunaarummi uani § 1-imik, § 3-mik, § 4, imm. 1-imik aamma imm. 3-miit 5-mut, § 5-imik, § 6-imik aamma § 7, imm. 2-mik 3-millu unioqqutitsisoqartillugu Akileraartarnermi Pisorta qarfiup kommunalbestyrelse peqqusinnaavaa aningaasanik ikisilluni pinnguaammik ikkussinissamut akuersissummik pigisaqartumut aningaasanik ikisilluni pinnguaammik ikkusinissamut akuersissutit tamaasa pisariaqanngitsumik kinguartiterinani erniinnarluinnarlu atulersussamik arsaarinnissutigeqqullugit.

§ 9. Kinaluunniit piaaraluni mianersuaalliorujussuarluniluunniit § 1-imik, § 3-mik, § 4, imm. 1-imik aamma 3-miit 5-mut, § 5-imik, § 6-imik kiisalu § 7, imm. 2-mik 3-millu unioqqutitsisoq akiliisinneqarsinnaavoq.

Imm. 2. Akiliisitsissut allaffissornikkut nalunaarutigalugu akuersissutigineqarsinnaanngilaq.

§ 10. Naiunaarut una atortuulissaaq ullormi 1. januar 1997-imi.

Imm. 2. Tamatumunnga peqatigitillugu "tillinniat illuinnarmik talillit" pillugit Namminersornerullutik Oqartussat nalunaarutaat nr. 45, 5. december 1994-imeersoq atorunnaarsinneqarpoq.

Imm. 3. Nalunaarsuiffiit, nalunaarut imm. 2-mi taaneqartoq naapertorlugu Akileraartarnermi Pisortaqarfimmit atsiorlugit uppersarsarneqarsimasut, atorsinnaapput piuumasaqaatinillu § 4, imm. 1-imi, imm. 2, nr. 6-imi aamma imm. 3-mi taaneqartunik naammassinnissimasutut isigineqassallutik.

Imm. 4. Komponentinik innaallagissamik atuisunik § 4, imm. 2, nr. 7-imi taaneqartunikikkussinermi aammalu topspilinik imaluunniit fjernbetjeninginik § 4, imm. 4-mi taaneqartunik ikkussinermi imm. 3-mi aalajangersagaq apeqqutaatinnagu § 4, imm. 3 aamma 4 naapertorlugit uppersarsaasiisoqarsinnaasariaqarpoq.

Namminersornerullutik Oqartussat, ulloq 17. december 1996.

Daniel Skifte

/

Kaare Hagemann